

## **ZAPISNIK SA 16. SJEDNICE UO SAMOSTALNOG SINDIKATA RADNIKA U BHRT-u,**

**U mandatu 2023/2027, koja je održana u utorak 27.8.2024. godine u 10,00 sati u sali 301.**

**Prisutni:** Merima Kurtović-Pašalić; Džemal Kahrlica; Edis Fočo; Mubera Herac; Samir Gadžo; Mustafa Baručija; Minka Džihanić; Alen Pavić; Ekrem Agić; Sanin Vila; Omer Bukić;

**Odsutni:** Sadin Kavazović; Sanija Saljihi; Samir Brkić; Minja Erić.

Gost: Goran Brkić

Dnevni red:

1. Zapisnik sa 15. redovne i 4. vanredne (on line) sjednice UO SSR u BHRT-u
2. Aktualna situacija
3. Finansije
  - Blagajnički izvještaj za mjesec juni i juli 2024. godine
  - Izvještaj Adriatic osiguranje za mjesec juni i juli 2024. Godine
4. Pomoć
  - Pomoć članovima sindikata za mjesec august 2024 godine
5. Razno

**AD 1.** M.Kurtović-Pašalić je na osnovu člana 35. Statuta Samostalnog sindikata radnika u BHRT-u, otvorila 16.redovnu sjednicu UO SSR u BHRT-u, u mandatu 2023-2027.g i predložila dnevni red koji je jednoglasno usvojen, kao i Zapisnik sa 15. redovne i 4.vanredne (on line) sjednice UO sindikata.

**AD 2.** Kada je u pitanju aktualna situacija predsjednica M.K.Pašalić je najprije upoznala prisutne da smo dobili potvrdu od menadžmenta da ne postoji pravilnik o napredovanju i ocjenjivanju kao i da je odgovor menadžmenta o naknadi za prevoz za IT centre da se po zakonu isplaćuje samo gdje postoji gradski prevoz. Što se tiče penzionera vrši se uplata doprinosa za mjesece januar i februar ove godine. Kada je u pitanju naš upit o povećanju dnevnica dobili smo pisani odgovor da po Zakonu u FBiH nisu obavezni povećati dnevnicu

Što se tiče ročišta o prodaji dijela imovine po tužbi EBU-a koja je zakazana za 25.9.2024.g predsjednica Merima K.P. je pojasnila da će po informaciji menadžmenta pravna služba u dogovoru sa predstavnicima EBU-a, pokušati da odgodi to ročište. Kako je rekla i ona će pokušati doći do resornog ministra E.Forte koji je prilikom obilaska BHRT-a u organizaciji sindikata i sam rekao da do te prodaje ne bi trebalo doći..

Kada je u pitanju obilazak IT centara, u dogovoru sa predstavnicima centara, a zbog korištenja GO isti nije realizovan, te je dogovoreno da će rukovodstvo sindikata u što skorijem periodu obići pet IT centara BHRT-a. Rečeno je da firma i dalje ima problema sa PDV-om, plaćanjem plina i električne energije, kao i da da bi trebalo doći do povećanja toplog obroka kada se na snagu stupi novi cjenovnik usluga za FTV. Upoznali smo menadžment i sa problemom nedostatka radnika u sektoru sigurnosti, kao i sa problemima u energetici.

Predsjednica je zatim upoznala članove UO sa odlukom menadžmenta da će do kraja sedmice biti uplaćena pomoć za sve uposlenike od po 200 KM i redovna naknada za prevoz, kao i da će augustovska plaća biti povećana za 10 posto, odnosno da će osnovni bod biti uvećan za 10% . Predstavници rukovodstva su naglasili da su odmah reagovali i naglasili da oni sa najnižim koeficijentom neće osjetiti to povećanje i da su ponovo insistirali na povećanju toplog obroka, jer je to pravednije. Nakon kraće rasprave rečeno je da će Sindikat i dalje insistirati na svim svojim zahtjevima, a najviše na povećanju naknade za topli obrok u iznosu od minimalno 1% prosječne plaće u FBiH. Zaključeno je da se organizuje sastanak sa generalnim direktorom u vezi svih problema.

Upravni odbor je jednoglasno usvojio zaključak da se uputi dopis menadžmentu kako bi se u skladu sa Zakonom izašlo u susret zahtjevu članice sindikata Bilsane Eljšan.

Jednoglasno je usvojena Odluka o organizaciji Sindikalnog izleta koji će se održati u subotu, 28.9. 2024.godine na lokalitetu Ribnjak-Dejčići i za realizaciju je zadužen kolega Dž.Kahrica.

**AD 3.** Blagajnički izvještaj za mjesec juni i juli 2024.godine je primljen k znanju.

Izvještaj o poslovanju sa Adriatic osiguranjem za juni i juli 2024.godine je primljen k znanju.

UO sindikata je jednoglasno usvojio Odluku o utrošku sredstava za organizaciju posjete šefa delegacije EU u BiH Johanna Satllera u iznosu 19.50 KM

**AD 4.** Pomoć za august 2024.g

- Karaahmed Mustafa 400,00 KM III dio

- Hot Minka 500,00 KM I dio

- i jedan DM beby bon u iznosu od 200 KM za koleginicu A.Ibričić

Odluke o pomoći za mjesec august 2024.godine usvojene su jednoglasno.

**AD 5.** Razno

Kolega Ekrem Agić je ponovo upoznao prisutne o alarmantnoj situaciji u Sektoru sigurnosti zbog nedostatka ljudi i upozorio da se u slučaju požara može desiti katastrofa, jer nema dovoljan broj vatrogasaca a ukinuto je i radno mjesto KDZ. Zaključeno je da povjerenik podružnice obezbjeđenja uputi dopis cirkularno i sindikatu i šefu Sektora, generalnom direktoru i UO BHRT-a sa upozorenjem o ovom problemu.

Na kraju sjednice kolega S.Gadžo upoznao je prisutne da je BH Radio 1 dobio kompletno novu digitalnu opremu, koji je finansiran od strane BHRT-a što je veliki napredak i svijetla tačka.

U 10 sati i 37 minuta sjednica je završena.

Izvršni sekretar/ica

Mubera Herac

Predsjednica SSSR u BHRT-u

Merima Kurtović-Pašalić